



## लोलिलिंखा

चुपलु दामलोअच
यालाखोम, र्युरोअच ।
यालाखोम, र्युरोच ।
सुनुवार सामाज हाडकाडमि कोईच रिमाचेमा गेअवा चिबाराचड (रिमाचेमा गेअवा चिड) सेलवा दुमशो वा ।
सुनुवार सेवा सामाज, सासि केनदरिये कार्येसामितिकालि सिन सासि नोले सुनुवार सामाज हाडकाडमि बारि थुँ ख्लेनना ख्लेनना सोइश-शो ब्लेअंसिपार्तिमि का:था का:था कोईच रिमाचेमा गेअवा चिबारचिम सेलतेक पोरोपोम (पारसाताप) यो शाअ फिलपशो वा ।

सुनुवार सेवा सामाज केनदरिये सामितिनु पामसेरि ( आनुमाति) ताअशा दारवारताईजार (विगगेपान) पा नेललिकालि कोईच रिमाचेमा गेचाडा चिबाराचड खुपशा सेलतेक गे सुनुवार सामाज हाडकाडमि पातेक लो: डोइति बारपाइश-शोमि कोईच काइलि रुमदेलनुमदेलमि बारशिला चो:ना चो:न कोईचआनकालि थारशिप्लिमंशि (सिदवानता) का: मि गाअपाइचानु गिपशिका: सेलतेक गे: पाशोमि मेकोके पारमोसेसेमो (पारवारदान) पातेक थेइ खिअनि खिअना पामसेरि गेशो वा ।
सुनुवार सामाज हाडकाडमि एकोकेडा डोइतिडा सुनुवार सेवा सामाजमि आननु माराइ बुमथा गे पातेक लो:कालि मासुइश-शो लो:मि थुँ खाइश-शो लो: यो वोइश-शो वा । □

### मारकालि सुनुवार सेवा समाज ?

चुपलु दामलोअच
र्युरोअच, यालाखोम ।
‘अहा... कोईच लो:ला दामलोतुइनामसि पाशो यो थोचे निअ्शि गाममाअ्ता ।’ थुमि हारार पा गेरसि बोअवा ।
तेइ मावाअशो गेरवा, हाअसालतामसाल रिथरिमारिथरि दामदाम पा खिडगारे चोअशा शोतोतोपान लाडगा ग्लुचा मालवा ।
शेडना जेल हाअशो, जुरमि जुअशो कुलकालि आंखाआंखा हुंगामि साअनासाअन योलवा कोईच दामलोतुइनामसि पाइवा कोईचआनके ।

एचंचि कोमथि यो कोईच कोईच दामलोअचआन हिअ्कि चिं मे तापलाका: ला ।
रिचचाडा लो: ।
खुव थेवि थेवि लो: पाइवा कोईचआन आम लो:मि सेसेरसारसेर पाइवा मुरु तापना का: यो मादुममानु ।
थामान देंचाडाना कोईच लो:मि ब्लेअवामुरुन मावाअशो योमथि वा: ।
सुमि ब्लेअच जोअवा मेकोमिन सेससि यो जोअवा मोपातिके सेववा मुरु यो मोशोन ला: ताईसामि ।
मुनु लो: बोअवा कोईच मुलकेम, ओलो, लो: राइचा जोलशो चोलशो सुनुवार सेवा सामाज मार पानापान वा ?
मारकालि मे सुनुवार सेवा सामाज ?
मेकोमिन मामे कोईच लो: सेससेब्लेअसे पातेक साहाज वातावारान सेलतेके ।

२०६४ आसोज २० गाते नयाँ नेपाल, गोरखापत्तरीमि कोईच लो:ला दामलोतुइनामसि र्गुइशोनु आईके डाम नामनात थोचेका:मि खानका दामलोअचपुकि चोल्ने जामसिब ।
शेडना दा. लाल रापाचा, सामिर मुंखिया, उतताम सुनुवार मुनु खादोस सुनुवार केडा मुलाइ हेर मुरु सुइ तेमसिने माचा:वा ।
ओं देंशोनु गो:पुकिमि लाँ ब्लाक तेअशो यो मामे ।
नेललिकालि थोशो ।
सुइमि माब्लेअतेमे दुरदा का:थो ।
का: निअ्शिआनुकालि ओं: ईचिचि शारिरेँशो ब्लेअखु पामतेमे ।
मेकेला श्शु माराइ गेताशि वारतेक लो: मादुम ।

मार कोईच लो: गो का: निअ्शि मुरुकालि ला मालशो मे ?
कोईच लो: आ ने:मि पिशो आफार ताअचाकालि ला साइसाइथापुकि कान खाइ बुदि वा:शो नामि ?
आई थुमि इरिरी गुथिलमिथिल कोअनाबोअना यो कोईच दामलो तुइनामसिमि कोईच लो:आ पितिमि इशका गे पापतु ।
नेसनेमसिकालि ब्लेअसे पानापान होइतु ।
ओशोमिन गो गे पानापान नाकि कोईच लो:मि ।

शेडना एको गे आ दुलि सुनुवार सेवा सामाज नु मेकेरे वाअशो मुरुमि कोईच लो:कालि डोइति बारपाइतेक गेमि माराइ वारीच मापा:मे ।
गो आईकालि तामामाअइवान पानापान नेललिआन दा:थेमि होअतेमे ।
सुनुवार सेवा सामाजडा साइसाथापा दें प्लेअव योकिअचका:मि खास लो: मिन गुथिलमिथिल सापतु गोरखापातरामि ।
मुनु कुलदिप इसमिरिति कोस दापाखेलिमि गो सांफा (लाव, उतताम, सामिर) कालि लो:डा कुललुमि ख्योअताउ ।
कोईच लो:को नाउमा दामपिण्डसाइत बानाए ।
ओखारपाउवाले नाबेउने बायो ।

मोपान सुनुवार सेवा सामाजमि दा साकुरडा साकुर लौमि नायाँ नेपाल गोरखापातरा सुनुवार सेवा सामाज आ मातहातरामि दुमचा मालवा, रर आ हाइसियातमि लाल, सामिर, उतताममि कोईच लो:डा दामलो तुइनामसि पमि दे लो: यो बोअत ।
मो दुमतिके सुनुवार सेवा सामाजमि कोईच लो: मुलकेम राइतेकमि ओंतिथिडा शेरदालु गुपशा आईचि का: आइचि यो माथाअता ।
गिश यो दुमशो वा मेको नेललि कोईच आम मिचच्चा गारशो मोंशि सुसेस ने:मि पाशा गेशो गे:ला नामि देंशोनु माराइ फ्लादाचिमदा मादुमवा ।

हेर सुसेस योकिअच वागात सुनुवारमि सुनुवार विदेरथ सामाज आ आनदारकिरिया गेरानेममामि देंतेमे, रागिमि तेइ माताशो दुमलो तुइनामसि कोईचमि ला ता:ता ।
ओदेशो पित पातराकरिताके मार लो: पाचा ?
सुनुवार सेवा सामाजडा बुअसु ताडकाराम सुनुवार आमिन देंतेमे- गो दा पंच पारतिसात कोईच लो: यो मारुबवाअति ।
ओंदि कोईचके पारतिनिदि साइसया देंशो सुनुवार सेवा सामाजमिन ओराइ ओराइ वाअथेमु मुल सुनुवार सेवा सामाजमि मार गे चिं पाइवा कोईचकालि देंशो लो: बोअशो वा ।

मुल कोमथा गोपुकिमि रिमशो लो:ला ब्लेअना ब्लेअनालाशो ।
गिशलो:कालि प्लोइनाना लाशो गिईच नु कोईच साइसाथाकालि राइनाना ।
शेडना साइसाथामि वाअथामि आईकालि हेरशा गे पानापान ला:ता ।
सुमि आम कोईच लो:मि दुरदा का: यो माब्लेअशो वा । □

# सुरोम पिदार, कोईच लो:ला रेमुब्लेमु बु दामलोतुइनामसि मिनु कोईच इमा

कोईचबु का:तिच

‘वारचपुकि सुरोम पिदारडा वारि थुँ थोअचा सारा पोअने थुमतेमे ।’
कोईच काइलि रुमदेलबुमदेल (सुनुवार सेवा सामाज) डा निअति फेनबुअसु देंविनदारा मुखेमि सावेर नाअति देंतेमे ।
गो चिर इशा मिमता ।
कोईच जोअवातुइवा नाड देंवामि ओदेशो लो: माविननिमि ।
जेलफेसरे, उपाद लो: देंनादेन वाअशो खेम कोईच रुयापरुइमिमि आम रिमाचेमा मालना मालना पाशो लो: मे एको ।
कोईच रिमाचेमाआ पिरिसरमि बो:गो सुनुवार सेवा सामाज ।
मुलाइ आम रिमाचेमा मारिमे दे येमने माचापशो मेकोइफिडा गेगिपसि सायदापपुकि ।
मुलाइ यो इसोरकिरान सुनुवार (आतित मुखे) प्लोईंश-शा तेकोइ सुसेस बुअसुमि कोईच मुलकेम बोअ वेश-शा मुमने माचापशो निमि ।
शेडना नाग वावारके इमा ब्ळिअशो रुयापरुइमि कोईचपुकिमि मुल आम मुलकेम, ओलो, मुकुदुम लोअंशि पाचा सारा पोअचा गोशो निमि ।
मेकोआ सिमेल (नामुना) मे- एचचि वेवमि योअशो सुरोम पिदारआ वारि थुँ ।
मुलाअति सिनाअति गिश कोईच रिमाचेमा मातुइवापुकि सुरोम पिदारकालि माराइ मादापनिमि ।
गिश दा आम रिमाचेमा प्लोईंशा इसु दुमने थुमशो निमि ।
नेललिकालि साइतान दापनिमि, शुरुपकेडगिरमि कोईच देथिलिकिकालि बोल दापशो खोदेंवा ।

थामा मे मुलाइ कोईच रिमाचेमामि इमा विअशो मावावा सुइ जोवतुइवा नाइ दे तिचुम पा प्लेअब कोईचमि ।
लाडगाला को:शोनु कोईच बाअथेम इना यो कोईच दुमने माचापशो निमि ।
दोशो गिपसिका: दुमतेक लो: तुपशो वाअतेमेडाना यो कोईचआ रिमाचेमा मातुइवामि कोईच का: दुमचाके लो: माहोअथु दुमवा ।
कोईच का: दुमचाकालि थुरि कोईच दुमचा मालवा ।
गेमि कोईच दुमचा मालवा ।
इमामि कोईच विअचा मालवा ।
कोईचआ रिमाचेमा गेअवा बास, लो:पुकि रुववा कोईच दुमचा कालवा ।
कोईचकालि तुइुपाइवा, येमपाइवा वास नु लो: मार मार नांमि दे लो: ख्यालवा कोईच दुमचा मालवा ।
कोअथे, कुल मिनु लाडगाला कोईच वासि फेअचा, शांदारआ नाअतेरबेअतेर, गाकि मारुपथु गुईइवा तापचा, सिल पाचा, कोईच लो:सि वाचामि ला थामा कोईच दे मातुइपाइवा, माकोईवा ।
कोईच दुमचाकालि कोईचआ नेललि रिमाचेमाकालि सुइच-वा, तुइच-चा, मेकोकालि राइच-चा, सासेर पाने चापचा मालवा ।

**कोईच लो: लान रेमुब्लेमु नु दामलोतुइनामसि**

कोईच लो:ला कोईच रेमुब्लेमु नु दामलोतुइनामसिडा थेंपोसआ सारा बोअशो वा ।
ओंदि कोईच लो:ला रेमुब्ल्मु नु दामलोतुइनामसिआ सारामि कोईचआ शारदाकालि लोल्लोअंशि पाशो वा ।
इडलिस नु खास लो:मि रेमुब्लेमु

ब्लेअचामि मार फ्ला:दाचिमदा वा डाना मिमेक तेमदो ( पारविरति) मिन खास नु बुइशशि मिअंचिआ रिना पिअवा ।
कोईच लो:ला ब्लेअचा गोशोनु कोईच खिं, कोईच मुलकेम, कोईच खाप, कोईच रु, कोईच मुलकेम, कोईच जाचातुचा, कोईच वासि, कोईच देलतेल, कोईच मुकुदुम, कोईच जारिनारि, कोईच सिलकुमसो, कोईच वाअसि, गाअसि, चालसिआ चासि मिमचा पिअवा ।
मोदे निपसिमि क्याक देश-शा लि:शो दा: याम मिमसिमि मेको कोईच रिमाचेमाआ नाअतेरबेअतेरकालि खिकख्यालतेक गे पाइवा ।
मेकेला कोईचकालि लो:मि लावजिनिवजि (तारका) पातेक तया-सँ आ खोलमा हालशो सेलतु ।
कोईच दुमचामि आमकालि लोगिसारा मिमवा सेलतु ।
कोईच आई लो: यो हेर लो: खोइ शौंफिच वाअमात, कोईच दुमचा देंशो लोगिसारा बायावाअता ।
गो कोईचआ रिमाचेमा हेर जेमनाबोसिकेडा फ्ला:दाचिमदा वाअमात देंशो लो:तारि सुइथाँ पाइवाआन हुलमा वारनावारना लाशो वा ।
कोईच लो:ला मिमशा खास याम इडलिस याम हेर लो:मि लोरोस पातेक देव्ला वारना वारना लाशो वा ।
कोईच चुपतु ( चुपलु सामाज) मि २०६२ रे कोईच लो:ला कोईच रेमुब्लेमु ब्लेअतेक सारा पोगाभेरे मुल कोईच रेमुब्लेमुमि ईचिखोइ आम लाँ ग्याइच-चा मालशो वा ।
गिश कोईचपुकि मुल कोईच लो:ला रेमुब्लेमु देमुशा यो हाँसालतामसाल पाइवा दुमशो निमि ।
२०६४ रे कोईच लो:ला नाग नेपाल गोरखापातराला कोईच लो:मि यो दामलोतुइनामसि सार्वसिक गोईसेडामरे कोईच शारदा नु कोईच रिमाचेमाडा होवनाकेसि सापपा दामदाम पा चूशो बोअशो ताईसिशो वा ।
एचंचि कोईच लो:ला फिडलो यो सासेरसारसेर दुममेडामरे दा देलतेल बाल कँ दालरोल तेइतेइ कोईच लो:डा रेमुब्लेमु, मुलकेम, रिदुमपाखिम, मुकुदमुमडा लो: जोरगोशा बोअशो वा डोइति वारशो वा ।

खासवामानआन जारिनारि दासाइ नु तिहारआ पितिमि साप-पा लो: बोअशो वा ।
सुइमि दासाइ आईके मामे देंतेमे ।
सुइमि आईकेन मे यो देंतेमे ।
तिहार यो सुइमि फिकलिआनके मे देंतेमे ।
सुइमि मामे यो देंना देन निमि यो देंतेमे ।
मुला-जि यो हिरशा खासवामानआन जारिनारि दासाइ तिहार जाअत ।
कोईचमि चिं एको दासाइ तिहार सुके मे दे लो: बोअना बोअन वा ।
एको ओदेशो लो: बोअचा चिं मारिमशो लो: मामे ।
सुकाइ सुकाइमि आम थुमि हुअशा वाअशो देंचा दाअशो लो: देंचा ताचा मालवा ।
मेको लो: थामा दुमने यो चाव-वा, मादुमने यो ।
सुइमि सुइनिमि यो सुइमि मासुइनिमि ।
रिमशो लो: नेललिमि दाअचाडा लो: वाअताडाना नोले नेसकालि शौंफि दुमशा लिअवा ।
रिमशो लो: सेससेब्लेअसे पाइवा, जोअवातुइवा, मिनु तेइतेइ हिरशोतुइशोमिला पाने

चाव-वा देंशो कोमसँवो (आवादाराना) माइति दुमने तुपता ।
सुइ सुइ नु का: का: सुइ नु मागारचाडा दुवरा याम थुइ बाअवा मेकोन थुइमि मुरुकालि गेनाइ मावेअवा सेलने चाव-वा ।
मे मोदे नेललिआन लो:कालि थेम गेचा मालवा ।
वाअचा गेचा मालवा ।
शेडना सुइआन निपसिमि नोस पाशो याम तास खोइश-शो लो: वाअताडाना चिं मेको मोदेशो निपसिमि माराइ ब्योअवा ।
माराइ पाने, गेने माचाव-वा ।
मे मोदे कोईच दामलोतुइनामसि नु फिडलोमि कोईचआन लो: वोइतेक थेम दुमशो वा ।
एचंचि दा सोसाल नेतवारका नु वेवसाइमि यो कोईचकालि इमा प्लिअतेक गे पाना पान पाशो वा ।
ओंदि मिमशा, चिरडशा येमशो, को:शोनु कोईचकालि सोपाइच-चा, बोपाइच-चा ।
कोईचकालि इमा प्लिअचा नु कोईचको रिमाचिमा वोइच-चाकालि कोईच दामलोतुइनामसिमि थेवि गे पाशो वा ।
**सुरोम पिदार मिनु कोईच रिदुमपाखिम**

‘आ... गेतथि मालाउ एं ।
सुरोममि थिये ।
ए... मेके माथिउ ।
सुरोममि रुइते ।
आविइ... गो दा ओंतिथ वाअनुडु एं ।
सुरोम राइवा ।’
ओदेशो लो: साइसाप थोचे देलसेलमि तेइ तेइ ने:सिव नामनाति ।
मुला-ति सिना-ति सु सु कोईचमि सुरोमबादेम पिदार पाना पान निमि मंकि ला ओंदेशो लो: नेचा ताईसिवा ।
लाडगाडा मुलकेममि दिवशाचिपशा कोईच थि नु सुइस-सि, सुइत-थाँ जामना जामना, यालना यालना मिन याना यान, शेमना शेमना लाशो वा ।
सुरोमकालि यो मुल साइडा खोंदेव पा रुब-वा मुरुआनके हिपिकरुपिक दुमता ।
रिदुमपाखिमकालि राइश-शा बोइने सुइमि माचापशो दुमतिके कोईच मुलकेम, ओलो, रिदुमपाखिम नु जारिनारिकालि यो नाइमालनिमाल सेलना सेलना नाइमालनिमाल क्लाअकामि फिलपशा रुप-पाइचा मालशो वा ।
सुरोम पिदार देंशोनु कोईचआन निपसिमि ओदेशो लो: ताप केपसिशो वा - सोरा वार्इनि सुरोमि (खोलमे) ले पाएको आउसादि (ख) नोतस : वादेम सुरोम वानेको सुनुवार जातमा विसेस गारि पेसियेर ( पिचा सारान) लियेर बासताचा ।
कोइ बाखातमा कोथो बाकारि खाददेननाहार चुयो चोरले चोरैउ ये यो देवा कोथे लागचा ।
आगि सुनुवार जातहार उतपाति वाएर आउँदाइ लि आएको हो ।
इनको जाममा नाम सोरा वार्इनि काहिनचा रा येसले पि्र पिराउ गारे चा बाने सोराइ पारकारले विमार होइनचा ।
चोखो जागामा ताँद बानाएर मानसेर दुपदुवार गारना पारचा आउ मुनि लेखिे वामोजिम आउसादि सामेत गारना आवासकता चा ।
१. कासतुरि विना, २. साथु फिनल, ३. सारपाको वॉसो, ४. रोचिडगो (फलेदा) बोकरो, ५. लासुन वा पेज, ६. रिमको उनिउं, ७. रायो-सारसिउं तेल, ८. हिड, ९. चामसुर दाना, १०. हादे लासुन (असारे फुल) ।
यो दास चासतु

# मुलथोवेडा बालिहोपो पिदारमि शँसाइ : दोपा ब्लेअचा कोईच लो: ?

डोइति डोइति कोईच लो:कालि ब्लेअशोनु ईचि खोइ मारयुपसिब ।
ते ते मागारशो खोदेव दुमवान ।
मेको यो कोईच लो: ब्लेअचा सापपा क्यामथिनिपथि (आपथेरो) वा ।
बाअतेक लो: नु ब्लेअतेक लो:मि तेइतेइडा लो: वाअल फ्ला:दाफाईदा (ब्हिननाता) दुमवान ।
बाअतेक लो: सिताजेमदा वाअवडाना मेकोन लो: ब्लेअचा नु ब्लेअशो नोले सेचचा क्यामथिनिपथि ।
खास लो:मि यो ‘कलम’ बोअचा गिश र्युमसिब ब्लेअशोनु क ल म दे सेससिब ।
नोले नोले ब्लेअशो लो: सेततेक देव्ला लिमेनु ‘ला खारार आ शोने सेनने जामसिब दाकुपाअनकालि ।
मोपातिके एकेरे दोपा रिमशो कोईच लो: ब्लेअचा मुनु सेचा ?
दे ईचिचि लो: रुपया एको शेंअंथिचमि ।

सापपा शेत पानापान २०६५ साल कार्ततिक १ नु २ नावु निअ्शि नाअतिमि कोईच साइसना नु कोईच ब्लुअशा कोईच दुजिर येमशा कोईच दुजिर पेनेरम सेलसाउ ।
गेनाइ कोईच दुजिरपेनेरम (वारनामाला) मासेसशो कोईचपुकिमि मुल कोईच दुजिर सेनने जामसिब दुमता ।

खास लो: नु इडलिस वारनामाला सेशशा कोईच लो: यो मोपान रिमपा ब्लेअचा मालवा देंवआनकालि मुल कोईच आम लो:डा दुजिरपेनेरम सेशशा ब्लेसेकोअसे पाचा जावसिब दुमता ।
लिकुंखिमकुइा कोईचआन रुमदेलबुमदेलमि दुमशो गेरापेनमाला कोईचकेम, क, ख, ग, ड, च, छ, ज, ट, थ, ड, त, थ, द, न, प, फ, व, म, य, र, ल, व, श, स, ह, व २७ सोदा दुजिर, अ, आ, इ, उ, ओ ६ सेंदा दुजिर मुनु ( ° ) नेसानते, (:) लाइसि, (') तेओसि नु (') किंदापसि सेलोजेपसि दुजिर येमसाउ ।
शेडना मुलाइ एको दुजिरकालि येमशोनु कोईचके २३ सोदा दुजिर नु ५ सेंदा दुजिर नु ४ व्बो सेलोजेपसि दुजिर ताईसिशो वा ।
दि: मुलाइ दुजिर येमतेक क्लाकामि कोईच लो दुरदापुकिकालि नाअशा पुअशा पाशो वा कोइ

**मारे मे लो देंशो ?**
आम थुँडा लो: देंतेक माइतेक, वाअतेक मुनु ताअतेक रिदुमपाखिम, मुलकेम ओले राइनाना आम चांसिमासिकालि ख्लेननाना लातेक वाअसि आ मेरजेमसे (पारतिक) कालि लो: देंसिब ।

**मारे मे दुजिर ?**

लो:आ पितिमिपसिमि फ्ला:दाफ्ला:सि पिबवा वाअसिआ फ्ला:सिचमसिन दुजिर मे ।
**दुजिर येमतेक रिसिया :**
दुजिर येमचाकालि नेरलिकेडा डोइति इमचलि वाअथ पितिमिपसि पाइशो जेमलाजेमसि दुरदा मालवा ।
इमचलि जेमलाजेमसि दुरदा योमथा का:मि ‘ला फ्ला:सिचमसि दुमचा मालवा ।
मेकेला हेरवाम एरि तेइतेइ गारचा मालवा ।
ओंदि योमथा का:मि फ्ला:सिचमसि दुमशा हेरवाम एरि गारो दुरदामि यो वाअता, पितिमिपसि पिताडाना दुजिर दुमवा मावाअथु दुरदा माले मापिडाना उइथिदुजिर दुमवा ।

खोदेंशो :

का क + आ

गा ग + आ
कालि क + आ + ल + इ
कालि क + आ + : + ल + इ

इरि को:ईशो कोयादिमखािम निमफ्फा दुरदाडा नोलेडा दुजिर ‘आ’ कान बा डाना डोइतिडा ‘क’ नु ‘ग’ दुजिरमि चिं फ्ला:सिचमसि दुमता ।
मोपातिके कोच लो:डा दुजिर क नु ग दुमताअसे ।
कालि नु कालि निअ्शि दुरदामि ‘:’ दुजिरमि ‘ला पितिमिपसिमि फ्ला:सिचमसि कोंताउ ।
‘क’ ‘आ’ ‘ल’ ‘इ’ मि तेकाइ फ्ला:सिचमसि माकोइंद ।
एकेरे निअ्शि साकुरसिडा दुजिर ताईसाउ ।
१) का: का: पा: फेअ फेअ तारशिक्यारशि फ्लाअने किनने जापतेअक ब्लोईंसिचेससि दुजिर नु २) फ्लाअने किनने तारशिक्यारशि पाने माजापतेअक सेलथेंअसि दुजिर ।
इरिडा कोयादिमखािम क, ग, आ, ल, इ ब्लोईंसिचेससि दुजिर नांमिडाना ‘:’ सेलथेंअसि दुजिर मे ।

**ब्लोईंसिचेमसि दुजिर**

**डोल दुजिर:**
सोरगा (फोकसो) ला र्लुसो सोरसो कूँकु, लें, सुइमि थोअंशिशा याम दाइल पाइदाना वाअंसिब दुजिरकालि डोल दुजिर देंसिब ।
इरिडा इमचलि जेमलाजेमसिला किन दुमशो डोल दुजिरपुकि - अ क ख ग ड च ज त थ द न प फ व म य र ल व स श ह व

**सैंदा दुजिर:**
सोरगला गुशो सोरसो तेइ माथि:थु दाइल मापाईसिथु वाअंसिब दुजिरकालि सैंदा देंसिवा ।
इरिडा इमचलि जेमलाजेमसिला किन दुमशो सैंदा दुजिरपुकि - आ इ उ ए ओ
**बुअथापसि:**
निअ्शि सैंदाकालि का:लेमिन वाअने जावसिबडाना मेको सैंदाकालि बुमथापसि देंसिवा ।
कोईच लो:डा बुमथापसिपुकि १० गो: निमि ।
आइ आउ इउ इए उइ उए एइ एउ ओइ आउ

**सेलथेलसि दुजिर नेसानते :**
ने: सुशा वाअशोनु ने: पिलतडाना नेसानते दुजिर मुनु माग्लिडाना शोपे दुजिर दुमवा ।
शोपे नु नेसानते दुजिरमि यो पितिमिपसिमि फ्ला:दाफ्ला:सि पाइवा ।
**लाइसि:**
दुजिरकालि आ थामा सैंदाकालि ईचि किशा वाअंसिबडाना लाइसि दुजिर देंसिब ।
लाइसिमि यो कोईच लोमि फ्लादाचिबदा पोअवा ।
लाइसि कोईचाकालि दुजिरआ नोले ओदेशो ( : ) फेनमाफेअसि गेचा मालवा ।
**सोअ्ततेअसि :**
तेकोइ दुरदा डोइतिडा आपतिकालि सोअ्त तेअशा वाअशोनु का: पितिमिपसि गेअवा मुल मेकोन दुरदामिन नोलेडा आपसिकालि सोअ्ततेअशा वाअशोनु हारेवम पितिमिपसि पिअ्वाडाना मेकोकालि सोअ्ततेअसि (stress) सेलथेलसि देंसिवा ।
सोअ्ततेअसिकालि कोईचा ओदेशो ( ' ) फेनमाफेअसि गेचा मालवा ।

**रेनमारंसि :**
लेलेतु:लि दि: नु ता याअसेनु मेकोन सैंदा नु गेसिगेके पितिमिपसिमि फ्लादाचिमदा पिअ्वाडाना मेको लोकालि रेनमारंसिया लो देंसिब ।
कोईच लो यो रेनमारंसिया लो मे ।
कोइच लोमि निअ्शि रेनमासेंसि निमि ।
दि: रेनमारंसि कालि माराइ फेनमाफेअंसि मागेपु ( रेनमारॉसिकालि चिं ओदेशो ( ' ) फेनमाफेअंसि गेचा मालवा ।

**कोईच लो:मि ब्लेअचा मामालवा दुजिरपुकि :**

कोईच लो: ब्लेअचाकालि निरुसाँ डोल, डो सैंदा नु ले गो: दुजिर वाअ्तडाना गाववा ।
कोईच लोमि खास लो:डा: **घ, छ, भ्, ज, ट, ठ, ड, ढ, ण, ध, भ, ष, ञ, ङ, ऊ, ई, ऐ, औ** दुजिर मामालवा ।

**ड, ल, र ( )** : कोईचमि ब्लेअचाकालि ब्ळेअचा, ज्ळेअचा देलु जुराओ ताईसिब ।
ओंदि ब्लेअशोनु कोईच लो:

सेववापुकि ओपग्योलग्योल दुमशो ताईसाउ ।
मोदेशो दुमचा मादुमशो ।
शेडना मार रुपचा मालवाडाना कोईच लो: ब्लेअचा गोशोन नाकनाक मे ।
मुलकाका कोईच लो: दोपा दुजिरशो ब्लेअतेक जाससिवा दे खिकख्यालशा निपसि शेगनाना नाकि ।
मुल ब्रेअचा, ब्ळेअचा माब्लेअथु ‘ब्लेअचा’ ब्लेअचा मालवा ।
मारदेडाना ‘ड’ दुजिर आई लो:मि उइथिदुजिर ‘मे ।
र’ आ डोइति यो फेक्यो दुजिर मापिअवा ।
‘ल’ दुजिर यो आ डोइति फेक्यो दुजिर पिमेनु लें: गिउ लेशशा कूँकुमि सोलशा योलवा मुनु आई: मिमशो दापशो खोदेव सैंदा ग्लुअवा ।
एको ‘ल’ कालि तादिति ‘ल’ यो देंनिमि ।

**ष, श, स :**
एको निमफा दुजिरआसकालि कोईच सेवब्लेचमि क्यालशो वाअच ।
निमफा दुजिरकालि कोईच लोमि क्यालशोडाना यो कोईच लो:मि एको दुजिरआसकालि खास लो:डा विण्यु, कृष्ण, सेशशोनु दा:थेडा ‘ष’ सेशशोवुदि सेचचा मालवा ।
ओंदि ष, श दुजिर सेशशोनु लें:आ डार गिउ लेशशा लाकचाला कुशो सैंदाकालि कूँकुमि ग्ल्अ तिअशा वाअच मुनु ईचिचि सैंदा चोअशा शाइशा लाडगा ग्लुचा मालवा ।
मोपा ग्लुशो शेंदान ‘श’ दुमवा ।
खास लो:डा वुदि सेशशोनु शेमशुअस वा:स मादुमवा ।
मुलेरे ‘ष’ माब्लेअथु ‘श’ ला ब्लेअतेक पाचा मालवा ।
कोईच लो:मि स का: ‘ला वाअतिके खास लो:डा स, ष, श कालि कोईच लो:मि का: ‘स’ ब्लेअचा मालवा ।

**छ, ट, ठ, ड** : एको दुजिरपुकि कोईच लो:मि उइथिदुजिर नामि ।
कोईचमि छेंगु, छेवरि, छोलावरि, छेलाप टिचि, टेमु, टेअु, टेव, टेटेल, डाकलास, चोंगा खोदेव का: निअ्शि दुरदा वातडानायो एको दुरदापुकि खास रुमिपमिआन गाअ्सवाअस, शामालतिमालमि कोईचपुकिआ लो:मि ते:पे दुमशा पिशो लो: मे ।
मोपातिके एकोआनकालि चेंगु, चेक खुए, चेवारि, चोलावारि, चेलाप, तिचा, तेमु, तेशु, थेवि, थेतेल, दाकलाशस, चोंगा दे ब्लेअचा मालवा ।
मारदेडाना फ्लाअचिम (व्हुतताइ) दुजिर मामालवा ।
च, त, थ, द मिन छ, ट, ठ, ड दुजिरके पितिमिपसि कुरने चाववा ।
देंशोनु छेंगु दे सेशशोडाना यो ब्लेअशोनु चेंगुनु ब्लेअचा मालवा ।

एकातरा गारि लाउनु खोलमेले पाएको आराम हुनचा ।’
सिरि रामबाहादुर सुनुवार, २०१३ सुनुवार जातिको बाइसावाल तेसरो बाग, सिरि माहाकालि आउसावालाय, गोरखा पुसताक एजेनसि, बारानासि (बानारारा), ५७ ।

ओंदि तेरा सालमि यो सुरोमआ पितिमि मिमतेक कोईच निपसि दोदेशो बा दे तुइने जामसिवा ।
सुरोम रोलचा दे देंशो वा ।
मुलाइ यो मोदेशोन निपसि वा खासवामान निपसि कोईचआ निपसिमि दाक केपशा लिशो वा ।
सुरोमवादेम देंशोडामरे बोलशिल मे दे मिमतेक देवरा वा ।
गेना कोमथि खास वामान नु कुइरे निपसि कोईचआन निपसिला शाइश-शा मायोलवा, कोईचमि आम देथिलिकिकालि बोलशिलान दावनिमि ।
ओदेशो निपसिमि हेर जेमनाबोसिआनकालि पुलपुईस पाचा चिं जोअंसिवा आम देथिलिकिकालि चिं हेरचा नु दिपचा, तोअशा लो: पाचा ला जोअंसिब दुमतिके कोईचके वारशिला मादुमशो याम रिमाचेमा गेनाडाना यो तुपतिल दुमशो मे ।
आमके रिमाचेमा गेअवा वास, मुलकेम ताइश-शोडामरे हेर मुरमि हेरश-शा, तोअशा लो: पाइनिमिप ।

थामा लो: पाशोनु ‘सुरोम’ मि:शि देथि मे दे दा सुइसुइमि तुइश-शोन वा ।
सुरोम, सुरो आ मामा साँ दुरदा गारशा सेलसिशो वा वा ।
कोईच लो:मि सुकुइआ मामा देंचा मासदानु आ मामा (उसको आमा याम ...को आमा) देंतेक रिदुमपाखिम वा ।
मे मोदे कोईचआ कोथे बाकारि, याम खोलमा, याम आडनात राइवाडा सुरो आ मामाकालिन सुरोम दे तुईसिवा ।
कोईच लो:मि ग्यांवि पाने थुमशो मि:शि मुरुआ ने: नोले आम (आ मामा) मिनु चारमि रुइमि आ ने: नोले मि केपु (पारतेया) दुरदा बोइतेक रिदुमपाखिम वा ।
मे मोदे माराइ माराइ आख राइवा देथिन सुरोम मे ।
सुरोमपुकि यो इशका सामिवु वाअशो लो: गो आई डोइति खेखे पा दामशा वाअशो वा ।
‘सुरोम-वादेम’ दे कोईचमि साइ साइरे सुइश-शा पिशो आडनातआनकालि राइश-शा बाअवा देथिन सुरोम दुमतिके खासवामानआन तिहारमि सुरोम पिदार पाइ दे साइ-साप थोचेरे चुपलु सामाजमि दे:नादेन सासेरसारसेर पाना पान पिशो दुमतिके मुल चिं ईचि ईचि कोईचमि तिहारकालि सुरोम पिदार जारिनारि दामना दामना पिशो निमि ।
मारदे सुरोम पिदार देंशोडाना कोईचमि शौंपोआ देथिकालि लाचमि मादेंथु सुरो